



U ovm broju možete pročitati:

- Nacrt budžeta za period 2010 - 2012. godina
- Aktivnosti Općinskog vijeća
- Aktuelni komunalni projekti, investicije...
- Obilježeni najvažniji datumi i događaji
- Mališani OŠ "6.mart" posjetili Općinu Hadžići
- Uspjesi Rahmane Kolende mlade pjesnikinje
- Predstavljamo MZ Hadžići, i Udruženje mladih "Idila"





## BUDŽET OPĆINE HADŽIĆI ZA PERIOD 2010. – 2012. GODINA

Na osnovu člana 16. Zakona o budžetima u Federaciji BiH („Službene novine Federacije BiH“ broj: 19/06, 76/08 i 5/09) i člana 112. Statuta Općine Hadžići („Službene novine Kantona Sarajevo“, broj 15/09), na prijedlog Općinskog načelnika, Općinsko vijeće Hadžići na 12. sjednici Općinskog vijeća održanoj dana 24.11.2009. godine utvrdilo je NACRT

### BUDŽETA OPĆINE HADŽIĆI ZA 2010.GODINU

#### Član 1.

Budžet Općine Hadžići za 2010. godinu u iznosu od 7.662.000,00 KM sastoji se od :

1. UKUPNIH PRIHODA I PRIMITAKA - 7.662.000,00 KM
2. UKUPNIH RASHODA I IZDATAKA - 7.662.000,00 KM

Od čega je raspoređeno:

- za utvrđene namjene 7.632.000,00 KM
- za tekuću budžetsku rezervu 30.000,00 KM

#### Član 2.

Prihodi i primici, rashodi i izdaci po grupama i namjenama, utvrđuju se u Bilansu prihoda i izdataka za period 01.01. do 31.12.2010. godine, kako slijedi u tabelarnom prikazu:

#### BILANS PRIHODA I RASHODA - UPOREDNI POKAZATELJI

Ekonomski kod	O P I S	Plan	Izvršenje	Plan	Projekcija	Projekcija	Index 5/3
		Budžeta za 2009. g.	Budžeta 01.01-30.09. 2009g.	Budžeta za 2010. g.	Budžeta za 2011. g.	Budžeta za 2012. g.	
1	2	3	4	5	6	7	8
<b>71</b>	<b>POREZNI PRIHODI</b>	<b>1.272.000.-</b>	<b>656.781,43</b>	<b>1.230.000.-</b>	<b>875.000.-</b>	<b>890.000.-</b>	<b>96,70</b>
71115	Porez na prihod od imovine	10.000.-	20.576,45	20.000.-	15.000.-	15.000.-	200,00
71411	Porez na imovinu	112.000.-	104.157,52	125.000.-	85.000.-	85.000.-	111,61
714131	Porez na promet nekretnina	800.000.-	290.173,70	700.000.-	350.000.-	350.000.-	87,50
716100	Porez na dohodak	-	6.455,96	35.000.-	35.000.-	50.000.-	-
717141	Prihodi od indirektnih poreza sa jedinstvenog računa	350.000.-	235.417,80	350.000.-	390.000.-	390.000.-	100,00



72	NEPOREZNI PRIHODI	1.909.259,-	1.592.375,10	1.972.000,-	2.095.000,-	2.262.000,-	103,29
721112	Naknada za eksploataciju prirodnih resursa	50.000,-	21.752,28	50.000,-	50.000,-	50.000,-	100,00
721122	Prihodi od iznajmljiv. poslovnih prostora.	5.000,-	1.620,00	5.000,-	3.000,-	3.000,-	100,00
721221	Naknada za izgradnju skloništa	40.000,-	6.916,99	20.000,-	20.000,-	20.000,-	50,00
721222	Naknada za korištenje javne površine	40.000,-	18.801,04	30.000,-	30.000,-	30.000,-	75,00
721311	Komunalna taksa	230.000,-	217.695,35	240.000,-	220.000,-	220.000,-	104,35
721362	Kamata na sredstva po viđenju	4.000,-	2.198,97	4.000,-	6.000,-	6.000,-	100,00
722432	Naknada za osiguranje od požara	-	50,79	-	-	-	-
722433	Naknada za uređenje građev. zemljišta	1.000.000,-	818.749,48	1.150.000,-	1.200.000,-	1.300.000,-	115,00
722439	Prihodi od usluga vjenčanja	7.500,-	6.030,00	9.000,-	9.000,-	9.000,-	120,00
722515	Ostale naknade i takse za katastar	5.000,-	6.830,70	10.000,-	10.000,-	15.000,-	200,00
722516	Prihodi od usluga katastra	50.000,-	49.000,00	60.000,-	70.000,-	82.000,-	120,00
722531	Naknada za upotrebu cesta od pravnih lica	50.000,-	34.323,77	50.000,-	55.000,-	55.000,-	100,00
722532	Naknada za upotrebu cesta od građana	80.000,-	63.498,46	90.000,-	75.000,-	75.000,-	112,50
722581	Naknada za zaš.prir.i drugih nes.na neto plaću	60.000,-	50.341,00	70.000,-	75.000,-	75.000,-	116,67
722582	Naknada za zaš.prir.i dr.nes.na dodatna primanja	5.000,-	4.365,12	7.000,-	10.000,-	10.000,-	140,00
722611	Naknada za pružanje usluga tehničkog prijava	70.000,-	83.587,10	60.000,-	50.000,-	50.000,-	85,71
722612	Prihodi od pružanja javnih usluga –pregled posl. prostora	-	-	5.000,-	-	-	-
722631	Ostali prihodi	80.000,-	73.855,05	12.000,-	12.000,-	12.000,-	15,00
591111	Višak prihoda iz prethodne godine	132.759,-	132.759,00	100.000,-	200.000,-	250.000,-	75,32
<b>73</b>	<b>POTPORE</b>	<b>2.555.300,-</b>	<b>1.601.297,46</b>	<b>2.450.000,-</b>	<b>3.085.000,-</b>	<b>3.085.000,-</b>	<b>95,88</b>
732114	Tekuće potpore od Kantona Sarajevo	2.555.300,-	1.601.297,46	2.450.000,-	3.085.000,-	3.085.000,-	95,88
<b>77</b>	<b>PRIHODI OD AKCIZA</b>	<b>10.000,-</b>	<b>2.668,39</b>	<b>10.000,-</b>	<b>102.000,-</b>	<b>102.000,-</b>	<b>100,00</b>
777779	Dio akciza iz cijena naftnih derivata	10.000,-	2.668,39	10.000,-	102.000,-	102.000,-	100,00
<b>81</b>	<b>KAPITALNI GRANTOVI</b>	<b>2.446.000,-</b>	<b>611.479,78</b>	<b>2.000.000,-</b>	<b>2.453.800,-</b>	<b>2.329.000,-</b>	<b>81,77</b>
811111	Primici od prodaje zemljišta	500.000,-	24.155,00	500.000,-	250.000,-	250.000,-	100,00
812214	Primici od Kantona i drugih nivoa vlasti	1.946.000,-	546.027,91	1.500.000,-	2.203.800,-	2.079.000,-	77,08
812215	Primljeni kapitalni grantovi-ostali	-	41.296,87	-	-	-	-
<b>U K U P N O:</b>		<b>8.192.559,-</b>	<b>4.464.602,16</b>	<b>7.662.000,-</b>	<b>8.610.800,-</b>	<b>8.668.000,-</b>	<b>93,52</b>



Ekonomski kod	O P I S	Plan Budžeta za 2009. g.	Izvršenje Budžeta 01.01-30.09. 2009g.	Plan Budžeta za 2010. g.	Projekcija Budžeta za 2011. g.	Projekcija Budžeta za 2012. g.	Index 5/3
1	2	3	4	5	6	7	8
	UKUPNO RASHODI	8.192.559.-	4.142.010,42	7.662.000.-	8.610.800.-	8.668.000.-	93,52
	I – TEKUĆI RASHODI	3.809.200.-	2.556.512,35	3.772.000.-	4.166.000.-	4.233.000.-	99,02
611000	Plaće i naknade	2.385.000.-	1.669.779,50	2.375.000.-	2.605.000.-	2.605.000.-	99,58
611100	Bruto plaće	1.630.000.-	1.186.765,61	1.630.000.-	1.800.000.-	1.800.000.-	100,00
611200	Naknade troškova zaposlenih	600.000.-	389.971,40	590.000.-	650.000.-	650.000.-	98,33
6112	Naknade vijećnicima	155.000.-	93.042,49	155.000.-	155.000.-	155.000.-	100,00
612000	Doprinosi poslodavca	180.000.-	124.201,39	180.000.-	208.000.-	208.000.-	100,00
612100	Doprinosi poslodavca	180.000.-	124.201,39	180.000.-	208.000.-	208.000.-	100,00
613000	Izdaci za materijal i usluge	406.500.-	209.550,84	344.300.-	428.000.-	445.000.-	84,70
613100	Putni troškovi	7.500.-	1.283,20	5.000.-	10.000.-	12.000.-	66,67
613200	Izdaci za energiju	47.000.-	30.631,19	45.000.-	40.000.-	40.000.-	95,74
613300	Izdaci za komunalne usluge	45.000.-	29.776,08	45.000.-	45.000.-	45.000.-	100,00
613400	Nabavka materijala	40.000.-	9.070,13	30.000.-	40.000.-	50.000.-	75,00
613500	Usluge prevoza i goriva	15.000.-	5.758,20	12.000.-	15.000.-	15.000.-	80,00
613700	Tekuće investicije održavanje	40.000.-	30.237,20	35.000.-	50.000.-	50.000.-	87,50
613800	Osiguranje i bankarske usluge	8.000.-	5.452,84	8.000.-	8.000.-	8.000.-	100,00
613900	Ugovorene usluge	154.000.-	80.137,00	134.300.-	160.000.-	165.000.-	87,21
613900	Tekuća rezerva	50.000.-	17.205,00	30.000.-	60.000.-	60.000.-	60,00
614000	Tekući grantovi	837.700.-	552.980,62	872.700.-	925.000.-	975.000.-	104,18
614100	Grantovi nižim nivoima	95.000.-	81.585,71	130.000.-	160.000.-	160.000.-	136,84
614200	Grantovi pojedincima	45.000.-	19.041,00	45.000.-	65.000.-	65.000.-	100,00
614300	Grantovi neprofitnim organizacijama	697.700.-	452.353,91	697.700.-	700.000.-	750.000.-	100,00
615/821	II – KAPITALNI RASHODI	4.383.359.-	1.585.498,07	3.890.000.-	4.444.800	4.435.000.-	88,74
	Pomoć vjerskim zajednicama	55.000.-	7.394,91	20.000.-	55.000.-	55.000.-	36,36
	Projekat „Serda“	10.000.-	-	10.000.-	10.000.-	10.000.-	100,00
	Međunarodna i međupćinska saradnja	35.000.-	5.410,00	10.000.-	35.000.-	50.000.-	28,57



1	2	3	4	5	6	7	8
	Podrška poljoprivredi	50.000.-	2.351,88	10.000.-	70.000.-	100.000.-	20,00
	Fond za izgradnju i održavanje grobalja	10.000.-	-	10.000.-	30.000.-	30.000.-	100,00
	Obilježavanje značajnih događaja i datuma	20.000.-	15.583,07	10.000.-	25.000.-	25.000.-	50,00
	Sanacija stambenog fonda i hitne intervencije	50.000.-	7.073,63	30.000.-	30.000.-	30.000.-	60,00
	Provođenje preventivnih zaštita od prirodnih nesreća	34.712.-	5.168,48	40.000.-	41.000.-	46.000.-	115,23
	Saniranje dijela šteta nastalih prirodnim nesrećama	25.500.-	19.031,22	30.000.-	46.000.-	52.300.-	117,65
	Nabavka opreme i MTS-a za potrebe CZ	19.500.-	4.607,19	10.000.-	28.000.-	29.000.-	51,28
	Rušenje bespravno izgrađenih objekata	5.000.-	-	5.000.-	10.000.-	10.000.-	100,00
	Infrastrukturno uređenje industrijskih i stambenih zona	550.000.-	275.000,00	200.000.-	350.000.-	500.000.-	36,36
	Izgradnja skloništa	40.000.-	6.700,00	20.000.-	20.000.-	20.000.-	50,00
	Izrada i revizija projektne dokumentacije	150.000.-	29.601,00	100.000.-	100.000.-	100.000.-	66,67
	Zimsko održavanje lokalnih puteva	180.000.-	111.537,30	240.000.-	250.000.-	250.000.-	133,33
	Asfaltiranje i rekonstrukcija lokalnih puteva	600.000.-	289.276,19	600.000.-	699.800.-	800.000.-	100,00
	Implementacija LEAP- a	20.000.-	9.460,00	20.000.-	150.000.-	150.000.-	100,00
	Izgradnja sportskih ploha	150.000.-	85.253,47	40.000.-	200.000.-	200.000.-	26,67
	Projekti vodosnabdijevanja i regulacija vodotoka	1.318.647.-	440.277,76	615.000.-	675.000.-	807.700.-	46,64
	Uslovljeni projekti	250.000.-	131.396,70	250.000.-	350.000.-	350.000.-	100,00
	Izrada javne rasvjete	200.000.-	-	150.000.-	300.000.-	300.000.-	75,00
	Izrada provedbeno-planske dokumentacije	-	-	-	150.000.-	100.000.-	-
	Provođenje imovinskih zakona i sudska izvršenja	20.000.-	8.071,20	20.000.-	50.000.-	50.000.-	100,00
	Izgradnja nove Osnovne škole Hadžići	210.000.-	2.413,01	1.000.000.-	400.000.-	-	476,19
	Izgradnja ambulante u Tarčinu	140.000.-	75.399,04	150.000.-	-	-	107,14
	Nabavka zemljišta i infrastrukturno uređenje	145.000.-	118,10	150.000.-	250.000.-	250.000.-	103,45
	Nabavka opreme	95.000.-	54.373,92	150.000.-	120.000.-	120.000.-	157,89
	UKUPNO	8.192.559.-	1.585.498,07	7.662.000.-	8.610.800.-	8.668.000.-	93,52



## Član 3.

Sredstva tekuće budžetske rezerve u iznosu od 30.000,00 KM predviđena su za finansiranje hitnih i nepredviđenih izdataka koji se pojave u toku 2010.godine.

Odluku o rasporedu sredstava tekuće budžetske rezerve donosi Općinski načelnik u skladu sa Zakonom o budžetima Federacije Bosne i Hercegovine („Službene novine Federacije Bosne i Hercegovine“, broj: 19/06) i obavezan je kvartalno izvjestiti Općinsko vijeće o utrošcima.

## Član 4.

Ovaj Budžet stupa na snagu danom objavljivanja u „Službenim novinama Kantona Sarajevo“, a važi za fiskalnu 2010.godinu.

Broj:  
Hadžići, 24.11.2009.godine

PREDSJEDAVAJUĆI  
Općinskog vijeća Hadžići

Jazid Bajrić, s.r.

## O b r a z l o ž e n j e

## I – UVOD

Zakonom o budžetima u Federaciji Bosne i Hercegovine („Službene novine Federacije BiH“, broj: 19/06) i usvojenog Programa rada Općinskog vijeća Hadžići za 2009. godinu broj: 01-14.1-9544/08 od 29.12.2008. godine utvrđeno je da Općinsko vijeće na prijedlog Općinskog načelnika utvrđuje Nacrt Budžeta kojim se uređuje politika finansiranja, odnosno procjenjuju prihodi i njihov raspored na korisnike.

S tim u vezi Općinska služba za privredu i finansije je počela pripreme u drugoj polovini 2009. godine na izradi Nacrta budžeta Općine Hadžići za 2010. godinu. Po iskazivanju potreba službi kroz finansijske planove, Općinski načelnik je predložio Općinskom vijeću Nacrt Budžeta Općine Hadžići za 2010. godinu.

Procjena ostvarenja prihoda u 2010. godini izvršena je u skladu sa očekivanim kretanjima u narednom periodu u uslovima stagnacije i smanjenja svih privrednih aktivnosti, što će se svakako odraziti na umanjeње priliva prihoda u cjelini, a posebno poreznih prihoda kao i ostalih budžetskih prihoda u odnosu na prihode iz 2009. godine.

Stoga smo mišljenja da predloženi Nacrt predstavlja dobru polaznu osnovu za uspješno provođenje javne rasprave i da će podstaći budžetske korisnike i građane da svojim primjedbama i sugestijama doprinesu kvalitetu konačnog Budžeta Općine Hadžići za 2010. godinu.

Nakon provedene javne rasprave odredit će se prioriteta ulaganja, posebno vezana za kapitalne projekte. Raspored izdataka po korisnicima (općinskim službama) će se uraditi nakon sumiranih rezultata javne rasprave, odnosno nakon konačnog utvrđivanja Nacrta Budžeta od strane Općinskog vijeća.

## II- PRAVNI OSNOV

Pravni osnov za utvrđivanje Nacrta Budžeta Općine Hadžići je član 16. Zakona o budžetima Federacije BiH („Službene novine Federacije BiH“, broj: 19/06), te član 112. Statuta Općine Hadžići („Službene novine Kantona Sarajevo“, broj: 15/09), kojim je utvrđeno da se funkcije Općine finansiraju putem Budžeta, kao i da Budžet usvaja Općinsko vijeće na prijedlog Općinskog načelnika.

## III- PROCEDURE PLANIRANJA BUDŽETA OPĆINE HADŽIĆI ZA 2010. GODINU

Zakonom o budžetima u Federaciji Bosne i Hercegovine („Službene novine FBiH“ broj: 19/06) propisano je da se budžet odnosi na fiskalnu godinu i važi za godinu za koju je donesen. Fiskalna godina je razdoblje od 12 mjeseci koja počinje 01. januara, a završava 31. decembra svake kalendarske godine.

U skladu sa navedenim zakonom i ostalim propisima koji regulišu oblast pripreme Budžeta, Općina Hadžići je u okviru standardizacije ISO 9001-2000 utvrdila proceduru za planiranje, praćenje i izvještavanje o izvršenju budžeta.

Postupajući po navedenoj proceduri Općinski načelnik je pristupio pripremi Nacrta Budžeta Općine Hadžići za 2010. godinu sredinom jula 2009. godine.

Procedura po ISO standardu 9001-2000 za planiranje, praćenje i izvještavanje o izvršenju budžeta podrazumjeva osnovne smjernice za izradu Budžeta, u skladu s kojom su sve službe iskazale svoje potrebe. Sumirani finansijski planovi službi po svom iznosu za 2010. godinu iznosili su više od projekcije prihoda za 2010. godinu. Obzirom na većinu opravdanih zahtjeva u predloženim finansijskim planovima službi, Općinski načelnik izvršio je usaglašavanje zahtjeva sa realnim mogućnostima.

Zbog poremećenih ekonomskih odnosa i već prisutne ekonomske krize koja se u Budžetu Kantona Sarajevo i općinskim budžetima ogleda u nedovoljnom prilivu prihoda, bilo je neophodno sa većim stepenom opreznosti pristupiti planiranju potrebnih sredstava u ovom trogodišnjem periodu.



#### IV- OBRAZLOŽENJE PREDLOŽENIH RJEŠENJA

Budžet Općine Hadžići za 2010. godinu kada su u pitanju prihodi utvrđeni su na iznos od 7.662.000,00 KM, te su u istom iznosu raspoređeni na predložene izdatke i rashode.

Članom 1. predloženi su prihodi i primici u ukupnom iznosu za 2010. godinu.

Članom 2. predloženi se prihodi i primici, rashodi i izdaci po grupama i namjenama u Bilansu prihoda i izdataka za 2010. godinu.

Članom 3. utvrđuje se korištenje sredstava tekuće budžetske rezerve.

Članom 4. utvrđuje se stupanje na snagu usvojenog Budžeta za fiskalnu 2010. godinu.

#### A. PRIHODI/PRIMICI

Prihodi Općine Hadžići su planirani u skladu sa Zakonom o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08 i 22/09), te ostalim Federalnim i Kantonalnim propisima i odlukama Općinskog vijeća Hadžići kojima su regulisani prihodi općinskog budžeta. Prihodi od poreza na dohodak fizičkih lica koji se odnose na dohodak od nesamostalne djelatnosti, dohodak od samostalne djelatnosti, dohodak od imovine i imovinskih prava, dohodak od ulaganja kapitala, dohodak od dobitaka ostvarenih učešćem u nagradnim igrama i igrama na sreću, obračunavaju se u skladu sa Zakonom o porezu na dohodak („Službene novine Federacije BiH“, broj: 10/08 i Pravilnikom o primjeni Zakona o porezu na dohodak („Službene novine Federacije BiH“, broj: 67/08). Ove prihode kantonalni trezor raspoređuje kantonalnim i općinskim budžetima na način utvrđen Zakonom o pripadnosti javnih prihoda u Federaciji BiH i odgovarajućim kantonalnim propisima.

Odredbama Zakona o građevinskom zemljištu su utvrđene naknade za zemljište, renta i naknada za uređenje građevinskog zemljišta.

Uzimajući u obzir svu trenutno važeću zakonsku regulativu kojom se definišu oblasti koje utiču na prihode budžeta općina, Nacrtom Budžeta Općine Hadžići planirani su prihodi u visini od 7.662.000,00 KM i za 6,48% su manji u odnosu na plan 2009. godine.

#### I - Porezni prihodi

Vezano za sam postupak planiranja prihoda, a u skladu sa Pravilnikom o knjigovodstvu budžeta – proračuna u Federaciji Bosne i Hercegovine, odnosno kontnim planom, data su sljedeća obrazloženja:

U strukturi poreznih prihoda veoma značajnu stavku u Budžetu Općine Hadžići predstavljaju prihodi od indirektnih poreza sa jedinstvenog računa.

Zakonom o pripadnosti javnih prihoda u Federaciji BiH je regulisana raspodjela prihoda od indirektnih poreza između federacije, kantona, jedinica lokalne samouprave i direkcija za ceste. Navedena vrsta prihoda planirana je na prošlogodišnjem nivou u odnosu od 350.000, 00 KM.

Obzirom da je Zakon o porezu na dohodak stupio na snagu 01.01.2009. godine, Porez na dobit od poljoprivrednih djelatnosti, porez na prihod od imovine i imovinskih prava je tretiran zakonom o porezu na dohodak, te će se prilikom rasporeda ovog ubranog poreza kroz porez na dohodak zadržati procenat raspodjele ovog poreza između Općine i Kantona.

Uvođenjem poreza na dohodak nestao je niz poreza građana koje su ranije regulisali kantoni. Prihodi koje su kantoni oporezivali su postali dio osnovice poreza na dohodak. U skladu sa Zakonom o izmjenama i dopunama zakona o pripadnosti javnih prihoda („Službene novine FBiH“ broj: 22/09), općinama Kantona Sarajevo pripada svega 1,79% ukupno prikupljenog prihoda od poreza na dohodak.

Prihodi po osnovu porezu na dohodak u strukturi poreznih prihoda planirani su u iznosu od 35.000,00 KM.

Porez na imovinu se planira na osnovu kantonalnih propisa, a odnosi se na stan, kuću, vikendicu, garažu u privatnom vlasništvu. Porez na imovinu planiran je za 11,6% više u odnosu na prethodnu godinu. Navedena vrsta prihoda iz godine u godinu se povećava, prije svega zahvaljujući efikasnijoj naplati i organizaciji porezne uprave.

Porez na promet nekretnina od pravnih i fizičkih lica planira se na osnovu kantonalnih propisa, a obuhvata porez koji se plaća prilikom prodaje imovine.

Zbog teške finansijske situacije uočene su tendencije opadanja prometa nekretnina, posebno kupoprodaja većih privrednih i stambenih objekata. Kod planiranja prihoda po osnovu poreza na promet nekretnina izvršeno je smanjenje za 12,5% u odnosu na 2009. godinu.

Porezni prihodi u strukturi ukupnih prihoda učestvuju sa 1.230.000,00 KM ili 16,05 %.

#### II - Neporezni prihodi

Osnov za planiranje neporeznih prihoda su Zakon o cestama Federacije Bosne i Hercegovine, Zakona o gradskom građevinskom zemljištu Federacije Bosne i Hercegovine.

Neporezni prihodi planirani su indeksom 103,29% u odnosu na 2009.godinu. Na ovo neznatno povećanje uticali su prihodi od naknade za uređenje građevinskog zemljišta i rente. Ti prihodi su procijenjeni na osnovu Zakona o građevinskom zemljištu i Plana prihoda Općinske službe za prostorno uređenje, urbanizam i građenje, koja je u skladu sa zakonskim rješenjima i definisala nivo planiranih sredstava za 2010. godinu.

Na osnovu stepena izvršenja naknada za eksploataciju prirodnih resursa i prihoda od iznajmljivanja poslovnih pros-



tora planiranje je izvršeno na istom nivou u odnosu na prethodnu godinu.

Naknada za izgradnju skloništa planirana je za 50% manje u odnosu na 2009. godinu. Razlog smanjenja navedene vrste naknade leži u činjenici da se veći broj podnesenih zahtjeva za donošenje odobrenja za građenje odnosi na porodično stambene objekte, pomoćne objekte i sl., koji ne podliježu obavezi plaćanja naknade za izgradnju skloništa.

Na osnovu izvršene procjene naknada za korištenje javne površine je planirana u iznosu od 30.000,00 KM. Zbog legalizacije većeg broja objekata procjena je za 25% manja u odnosu na prethodnu godinu.

Na osnovu evidencije i procjene prihoda, kao i Izvještaja o naplaćenim prihodima, koje mjesečno dostavlja Kanton Sarajevo, naknade za upotrebu cesta i naknada za puteve iz cijena naftnih derivata su planirane na istom nivou u odnosu na 2009. godinu. U skladu sa Zakonom o cestama u Federaciji Bosne i Hercegovine ukupan iznos predviđenih sredstava se usmjerava na rekonstrukciju puteva na području Općine Hadžići.

U okviru ove grupe prihoda planirana je i pozicija općinskih komunalnih taksi u iznosu od 240.000,00 KM. Po važećim zakonskim regulativama ovaj prihod pripada općinskim budžetima i planiran je 4,3% više jer je povećan broj poreznih obveznika koji su obavezni plaćati navedenu naknadu.

Posebna naknada za zaštitu od prirodnih i drugih nesreća je značajna stavka u neporeznim prihodima. Na osnovu izvršenja za prvih devet mjeseci tekuće godine posebna naknada za zaštitu od prirodnih i drugih nesreća na neto plaću za 2010. godinu je planirana za 16,66% a posebna naknada za zaštitu od prirodnih i drugih nesreća na dodatna primanja za 40% u odnosu na prethodnu godinu. To je prihod sa zakonski utvrđenom namjenom.

Višak prihoda za 2009. godinu je planiran u iznosu od 100.000,00 KM. To su procijenjena sredstva i nisu konačna, njihov tačan iznos će se utvrditi po izradi godišnjeg obračuna Općine Hadžići za 2009. godinu.

Grupacija neporeznih prihoda predstavlja veoma značajan izvor prihoda budžeta za 2010. godinu. U ukupnoj strukturi budžeta učestvuju sa 1.972.000,00 KM ili 25,74%.

#### III - Tekuće potpore

Prihodi po osnovi dotacije drugih nivoa vlasti u iznosu od 2.450.000,00 KM predstavljaju samo dotaciju od Kantona po osnovu indirektnih poreza, te u ukupnoj strukturi prihoda učestvuju sa 31,97%.

#### IV – Prihodi od akciza

Prihodi od akciza planirani su na prošlogodišnjem nivou u iznosu od 10.000,00 KM.

#### V - Kapitalni grantovi

U Nacrtu budžeta za 2010. godinu su planirani primici od Kantona ili drugih nivoa vlasti u iznosu od 2.000.000,00 KM što je za 18,24% manje u odnosu na prethodnu godinu. Kapitalne grantove od Kantona Sarajevo je teško realno procijeniti obzirom da u fazi izrade Nacrta Budžeta Općine Hadžići nije usvojen Nacrt Budžeta Kantona Sarajevo. Usvajanjem Nacrta Budžeta Kantona Sarajevo bi se stvorile realnije pretpostavke za procjenjivanje primitaka od Kantona Sarajevo. Ta sredstva će predstavljati veliku potporu u finansiranju kapitalnih projekata od šireg društvenog značaja i lokalnu zajednicu u cjelini.

Primici od prodaje zemljišta procijenjeni su i planirani na prošlogodišnjem nivou od 500.000,00 KM.

### B. RASHODI/IZDACI

Ukupno planirani rashodi u Budžetu Općine za 2010. godinu u iznosu od 7.662.000,00 KM raspoređeni su kako slijedi:

1. Tekući izdaci	3.742.000,00 KM ili	48,84%
2. Kapitalni izdaci	3.890.000,00 KM ili	50,77%
3. Tekuća budžetska rezerva	30.000,00 KM ili	0,39%

#### Bruto plaće i naknade

Planirana sredstva za plaće službenika i namještenika utvrđena su na nivou Plana 2009. godine. Ova sredstva planirana su za 84 zaposlenika čime nije planiran prijem novih radnika već samo popuna eventualno upražnjenih radnih mjesta odlaskom u penziju zaposlenika koji ispunjavaju propisane uslove. Bruto plaće su planirane u skladu sa važećim Pravilnikom o unutrašnjoj organizaciji jedinstvenog općinskog organa uprave, posebnih i stručnih službi Općine Hadžići broj: 02-05.2-7614/06 od 29.06.2006. godine, Odlukom o organizaciji jedinstvenog općinskog organa uprave, posebnih i stručnih službi Općine Hadžići („Službene novine Kantona Sarajevo“, broj: 9/05, 39/05), i Odlukom o utvrđivanju platnih razreda i koeficijenata za plaće državnih službenika i namještenika u službama Općine Hadžići („Službene novine Kantona Sarajevo“, broj: 39/05).

Naknada zaposlenicima za topli obrok, naknada za prevoz, naknade za otpremnine, naknade za slučaj smrti ili teže bolesti članova uže porodice i ostale naknade isplaćuju se u skladu sa Pravilnikom o plaćama, naknadama i ostvarivanju određenih prava iz radnog odnosa državnih službenika i namještenika Općine Hadžići broj: 02-14-5-867/09 koji se primjenjuje od 15.01.2009. godine.

U okviru ove pozicije predviđena su i sredstva za finansiranje toplog obroka i prevoza za volontere sa kojima je zaključen Ugovor o volonterskom radu.

Doprinos na teret poslodavca



Shodno planiranju sredstava za bruto plaće procijenjeni su i doprinosi na teret poslodavca koje Općina plaća na plaće svojih zaposlenika. Procijenjeni su na prošlogodišnjem nivou u iznosu od 180.000,00 KM.

#### Izdaci za materijal i usluge

Izdaci za materijal i usluge planirani su u iznosu od 344.300,00 KM i manji su za 15,3% u odnosu na 2009. godinu. U okviru ove grupe rashoda učinjeno je značajno smanjenje s ciljem snažnije racionalizacije i preduzimanja koraka na uštedama, a u skladu sa raspoloživim planiranim prihodima i Zakonom o načinu ostvarivanja ušteta u budžetima Federacije Bosne i Hercegovine, kantona, gradova, općina, vanbudžetskih fondova i institucija čiji je osnivač Federacija Bosne i Hercegovine („Službene novine FBiH“, broj: 50/09). Najveće smanjenje je evidentno na budžetskoj poziciji putni troškovi 33,33%, tekuće investiciono održavanje 12,5%, ugovorene usluge 12,79% i tekuća budžetska rezerva 40%.

#### Tekući grantovi

Tekući grantovi su planirani u iznosu od 872.700,00 KM. Procjenjivanje tekućih grantova je za 4,2% veće u odnosu na 2009. godinu. Navedeno povećanje je evidentno na budžetskoj poziciji grant nižim nivoima u okviru čega su planirana sredstva za izbore, jer je 2010. izborna godina.

Grantovi pojedincima i grantovi neprofitnim organizacijama su planirani u istom iznosu u odnosu na prethodnu godinu.

#### Kapitalni rashodi/izdaci

Kapitalni rashodi planirani su u ukupnom iznosu od 3.890.000,00 KM i manji su za 11,26% u odnosu na prethodnu 2009.godinu. Nakon sumirane provedene javne rasprave, utvrdit će se analitika kapitalnih izdataka, tekućih grantova i druge eventualne korekcije predloženih rješenja iz Nacrta Budžeta Općine Hadžići za 2010.godinu.

Broj: 02-01.2-9381/09.

Hadžići, 20.11.2009. godine

- OPĆINSKIM SLUŽBAMA ZA UPRAVU
- POLITIČKIM SUBJEKTIMA KOJI PARTICIPIRAJU U OPĆINSKOM VIJEĆU
- MJESNIM ZAJEDNICAMA OPĆINE

PREDMET : JAVNA RASPRAVA O NACRTU BUDŽETA OPĆINE HADŽIĆI  
ZA PERIOD 2010. – 2012. GODINA.-

Poštovani,

Na osnovu člana 16. Zakona o budžetima u Federaciji BiH i člana 112. Statuta Općine Hadžići, a u skladu sa članom 109. Poslovnika Općinskog vijeća Hadžići, Općinsko vijeće Hadžići na 12. sjednici Općinskog vijeća održanoj 24.11.2009. godine, utvrdilo je Nacrt Budžeta Općine Hadžići za period 2010. – 2012. godine i donijelo Zaključak kojim se Nacrt Budžeta stavlja na Javnu raspravu do 15.12.2009. godine.

Naprijed navedeni Nacrt dostavlja se na Javnu raspravu Općinskim službama za upravu, političkim subjektima i mjesnim zajednicama, a uvid u Nacrt Budžeta može izvršiti u Općini Hadžići, a isti će se objaviti u Biltenu Općine Hadžići i na web stranici Općine – [www.hadzici.ba](http://www.hadzici.ba).

Javna rasprava u mjesnim zajednicama obaviti će se putem zborova građana, koji će se održati za sve mjesne zajednice u tri centra, i to:

- TARČIN, utorak, 08.12.2009. godine u 17,00 sati u Osnovnoj školi „Hilmi ef. Šarić“ Tarčin
- PAZARIĆ, srijeda, 09.12.2009. godine u 17,30 sati u Osnovnoj školi „9. maj“ Pazarić,
- HADŽIĆI, četvrtak, 10.12.2009. godine u 19,00 sati u Osnovnoj školi „6.mart“ Hadžići

Svoje primjedbe, prijedloge, mišljenja i sugestije na Nacrt Budžeta mogu se dostaviti Općinskom načelniku do 15. decembra 2009. godine, putem Službe za privredu i finansije, putem pošte ili lično na adresu:

OPĆINA HADŽIĆI, ulica Hadželi br. 114  
e-mail: [ohadzici@bih.net.ba](mailto:ohadzici@bih.net.ba); fax: 475-952

Općinski načelnik pripremit će i blagovremeno dostaviti Općinskom vijeću na razmatranje Prijedlog Budžeta Općine Hadžići za 2010. godinu, vodeći računa o prijedlozima, mišljenjima i sugestijama iznesenim na Javnoj raspravi, a u okviru mogućih raspoloživih prihoda.

OPĆINSKI NAČELNIK

Hamdo Ejubović, dipl.ing.maš.



## 11. sjednica Općinskog vijeća Hadžići



U sali za sjednice Općine Hadžići 22. oktobra. 2009. godine održana je 11. sjednica OV Hadžići. Sjednici je prisustvovalo 24 vijećnika, Općinski načelnik sa pomoćnicima, predsjedavajući OV, zamjenik predsjedavajućeg, sekretar Općinskog vijeća, predstavnik OSCE-a, predstavnici sredstava informisanja (TV SA i MTV „Igman“), predstavnici i direktori OŠ u Tarčinu, Pazariću, Hadžićima, Srednjoškolskog centra Hadžići, i iz Zavoda za planiranje KS Džiho Mirsada. Na dnevnom redu bilo je 11 tačaka, a predloženi dnevni red usvojen je jednoglasno. Druga tačka dnevnog reda - Vijećnička pitanja, odgovori i inicijative, bila je i najopširnija. Klub SDP - a nije bio zado-

voljan odgovorom na vijećničko pitanje o statusu Višeg stručnog saradnika za informisanje. Općinski načelnik bio je decidan: „Podijeljen je djelokrug rada između Općinskog vijeća i Općinskog načelnika, te se vijećnici ne trebaju miješati u pitanja vezana za rad državnih službenika, i na slična pitanja u budućnosti neće dobijati odgovore, jer sve je regulisano Zakonom o državnoj službi, a niti jedan pojedinac nije privilegovan“. Lihovac Osmana je interesovalo da li će imovina ZZ „Tarčin“ biti stavljena pod hipoteku. Sanija Šarić je odgovorila da neće jer je to imovina sa pravom raspolaganja. Mora se imati u vidu da nije riječ samo o državnom zemljištu, već i o poljoprivrednom koje podliježe posebnoj regulativi. Razmatran je izvještaj o realizaciji zaključaka sa prethodnih sjednica OV Hadžići, i donesen je Zaključak da se:

Prihvata prijedlog zaključaka Savjeta za unapređenje zdravstva i promociju porodične medicine – da se izvrši popuna nedostajućeg medicinskog kadra, obezbjediti 24 satno dežurstvo hitne medicinske pomoći u Hadžićima, da se nastavi iznalaženje finansijskih sredstava za dovršetak ambulante u Tarčinu, zatim adaptacija prostora u Centralnom objektu, i da se nastave aktivnosti oko nabavke jednog sanitetskog vozila - kardiomobila. Vijećnik Mujo Ibrica navodi kako je vidljivo da je veći broj zaključaka u Izvještaju Doma zdravlja Hadžići realizovan i navodi primjer kako ljudi iz Vukovića subotom i nedjeljom dolaze na injekciju u Hadžiće, dok vijećnik Vahid Alađuz predlaže da se Općina Hadžići angažuje na iznalaženju sredstava u cilju uspostavljanja još jedne ordinacije, na što je Općinski načelnik Ejubović potvrdio da će se iznaći potrebna sredstva za adaptaciju dijela Doma zdravlja. Informacija o vijećničkim pitanjima, odgovorima i inicijativama usvojena je većinom glasova. Četvrta tačka dnevnog reda bila je Informacija o uspjehu, učenju i vladanju učenika osnovnih i srednje škole na području Hadžići, na kraju 2008/2009. godine. Većina vijećnika uputilo je čestitke učenicima na zavidnim rezultatima, zatim menadžmentnu i uposlenicima škole. Vijećnik Mirsad Dupovac je uputio pohvale ali i izrazio čuđenje velikim brojem odličnih učenika, neocijenjenjih, kao i velikim brojem kašnjenja. Nezir Kazić je pitao ko se bavi aspektom procjene sigurnosti učenika u OŠ, kao i da djeca ne mogu izaći pred školu kada se polaže cvijeće na spomen obilježje. Direktorica OŠ u Pazariću Azra Jasika je objasnila: „Nesrazmjern broj odličnih učenika i broja izostanaka sa nastave preovladava se stručnim angažmanom uposlenih. Najveća stavka kod izostajanja je problem bolesti, a škole saraduju sa Policijskom stanicom Hadžići i IV Policijskom upravom. Učenici osnovnih i srednjih škola se ne mogu izvoditi na obilježavanje događaja iz prethodnih ratova na osnovu ugovora potpisanog od strane kantonalnih, federalnih i državnih organa“. Informacija o uspjehu, učenju, i vladanju učenika usvojena je jednoglasno. Peta tačka dnevnog reda - Projektni Program za izradu Urbanističkog projekta“ SARA KOMPANI – benzinska stanica“ u Binježevu usvojena je većinom glasova. Osmo tačka dnevnog reda bila je Informacija o izvršenju Budžeta Općine Hadžići za period 01.01. - 30.09.2009. godine. „Ukupni prihodi ostvareni su sa indeksom 54,49 %. Ukazali smo na probleme sa kojima se susrećemo, ne samo mi već i cijela država. Ukupni rashodi su ostvareni sa procentom od 50,46 %. Mogu se vidjeti nastale promjene na materijalima i uslugama, kao i na plaćama“ - kazala je Esmā Topalović. Na kraju diskusije konstatovano je da je Informacija usvojena većinom glasova. Sa 11. tačkom dnevnog reda - Rješenja imovinsko - pravne službe koja je bila i posljednja, 11. sjednica OV Hadžići privedena je kraju.

## 12. sjednica Općinskog vijeća Hadžići

Redovna 12. sjednica Općinskog vijeća, održana je 24.11.2009. godine kojom je predsjedavao dr. Osman Lihovac – zamjenik predsjedavajućeg Općinskog vijeća, kojoj je prisustvovalo 24 vijećnika, Općinski načelnik sa svojim pomoćnicima i saradnicima, kao i predstavnici sredstava informisanja (Kantonalna TV i MTV „Igman“).

Općinsko vijeće je jednoglasno utvrdilo dnevni red sa 8 tačaka, koji je predložio Kolegij Vijeća, u skladu sa Programom rada Vijeća za mjesec novembar 2009. godine.

Nakon usvojenog Izvoda iz zapisnika sa prethodne (11) sjednice i Izvještaja o realizaciji zaključaka sa prethodnih sjednica, razmatrala se Informacija o stanju u oblasti boračko – invalidske zaštite, položaja članova šehidskih porodica i porodica poginulih boraca, RVI i demobilisanih boraca, koju je Vijeće jednoglasno prihvatilo, uz zaključak da se Komisiji Općinskog vijeća za praćenje položaja boraca, RVI, porodica šehida i poginulih boraca proširuje mandat za svoje djelovanje i omogućuje da po potrebi radi u proširenom sastavu, te da u saradnji sa udruženjima boračke populacije ili na drugi način prati dodjelu donacija i drugih vidova pomoći i po potrebi pravovremeno reaguje na rješavanje socijalno – statusnih pitanja svih kategorija stanovništva Općine, a posebno boračke populacije, koji su zasnovani na zakonskim propisima i materijalnim mogućnostima Općine, Kantona i Federacije.

Kao četvrtu tačku dnevnog reda Vijeće je razmatralo Informaciju o radu mjesnih zajednica, o kojoj se vodila široka rasprava, nakon koje je Vijeće istu prihvatilo većinom glasova, uz zaključak da se, u cilju poboljšanja i unapređenja rada svih mjesnih zajednica, održi u što kraćem roku sastanak na kojem bi učestvovali, pored predsjednika Savjeta mjesnih zajednica: predstavnici Općinskog organa uprave, članovi Komisije za poslove mjesnih zajednica, kojom predsjedava dr. Osman Lihovac, zamjenik predsjedavajućeg Općinskog vijeća i sekretari mjesnih zajednica, na kojem će se dogovoriti buduće aktivnosti na realizaciji programskih aktivnosti mjesnih zajednica, koje se odnose na usaglašavanje Pravila mjesnih zajednica sa zakonom o principima lokalne samouprave u F BiH, Statutom Općine, kako o postupku osnivanja mjesnih zajednica i promjene područja mjesnih zajednica, podsticanje međusobne saradnje mjesnih zajednica, povezivanje i udruživanje sredstava mjesnih zajednica za rješavanje pitanja od zajedničkog interesa, donošenju planova i programa, kao i o svim drugim pitanjima od značaja za mjesne zajednice.

Kao najznačajnije pitanje iz djelokruga nadležnosti Općinskog vijeća, Vijeće je na ovoj sjednici razmatralo i utvrdilo Nacrt Budžeta Općine Hadžići za period 2010. – 2012. godine, kojeg stavlja na Javnu raspravu u trajanju od 21 dan, i to do 15.12.2009. godine, koja će se voditi u Općinskim službama za upravu, političkim subjektima koji participiraju u Općinskom vijeću i mjesnim zajednicama.



Nakon provedene Javne rasprave Općinski načelnik će blagovremeno dostaviti Vijeću na razmatranje i donošenje Prijedlog Budžeta Općine Hadžići, vodeći računa o prijedlozima, mišljenjima i sugestijama iznesenim na Javnoj raspravi, a u okviru mogućih raspoloživih prihoda.

Takođe, na ovoj sjednici Vijeće je razmatralo i prihvatilo Informaciju o radu Komisije za izradu Strategije razvoja Općine Hadžići za period 2010. – 2014. godine, i donijelo rješenja imovinsko – pravne službe i razmatralo vijećnička pitanja i odgovore.



## OŠ "Hilmi ef. Šarić"

Školsko zvono opet zvući. 01. septembra 2009. godine počela je nova školska godina i prvacići su se prvi put susreli sa školom i učiteljima.



U OŠ „Hilmi ef. Šarić“ upisano je 52 učenika prvacića. Dva su centralna odjeljenja i dvije područne škole Donja Raštelica i Korča.

U centralnoj školi upisano je 41 prvacić (25 dječaka i 16 djevojčica), u Donjoj Raštelici pet, dva dječaka i tri djevojčice. U Korči je upisano šest prvacića,

četiri dječaka i dvije djevojčice. Priredena je i svečana priredba za đake prvake i njihove roditelje. Na samom početku priredbe nastavnik muzičkog Sead Handžo otpjevao je i odsvirao dvije pjesmice u znak dobrodošlice prvacićima. Zatim je pedagog Aida Mirvić svim prvacićima poželjela dobrodošlicu, zdravlje i uspjeh kroz čitavo školovanje.

Rahmana Kalenda se predstavila sa jednom pjesmom iz njene knjige „Šareni mali svijet“, a učenici trećih i četvrtih razreda za malene đake - prvake izveli su dvije plesne koreografije, dok se nakon njih prvacić Benjamin Handžo predstavio plesom u dance ritmu,

pa je i nagrađen velikim aplauzom svih prisutnih. Na samom kraju priredbe pedagogica Mirvić je predstavila učitelje Japalak Kemala i Minu Šahić, učiteljicu Mevlidu Tufo u područnoj školi u Korči, i Azeminu Kasum u područnoj školi u Raštelici.

U centralnoj školi 49 učenika je u potpunoj porodici, dvoje prvacića nema majku, dok je jedan prvacić razvedenih roditelja. Prvacić Kalenda Almedin boluje od cerebralne paralize, 43 oca su zaposlena, šest nezaposleno, jedan je penzioner, dok se za jednog nema podataka. Dvije majke su zaposlene, a nezaposleno je njih 48.

## OŠ "6. mart" Hadžići

Najveća škola u Kantonu Sarajevo, a i šire je OŠ „6. mart“ u Hadžićima.

Ove godine upisano je u školu 128 učenika, od toga 79 dječaka i 49 djevojčica. Pretpostavlja se da će do 15. septembra biti upisano još djece, tako da ovaj broj nije konačan.

Upisano je pet razreda u matičnoj školi i jedan u područnoj školi (Binježevu). Nastavnica u područnoj školi koja broji 15 učenika u Binježevu je Fejzić Emina, dok su u OŠ „6. mart“ nastavnici: Fejzić Maida, Fejzović Sabudin, Tepić Sanela, Fejzić Alмира, i Halvadžija Jasna.

Ono što je zanimljivo da u ovoj školi nema osoba sa invaliditetom, a predškolskim odgojem bila su obuhvaćena 23 učenika. Za sve polaznike prvaciće organizovan je prijem i priredba,



kojoj su prisustvovali i roditelji. Svim prisutnim obratila se direktorica ove odgojno - obrazovne ustanove Dženena Alispahić, te polaznicima prvog razreda poželjela sretan i uspješan početak školovanja.

Učenike su zabavljali su učenici ove škole, koji su članovi dramske, recitatorske i ritmičke sekcije, i koji uspješno rade i predstavljaju se u školi, a i van škole. Nastupili su „Čarobnjaci“, tako što su izveli jednu od recitacija, kao i članice ritmičke sekcije sa koreografijom za koju je zaslužna

njihova voditeljica Senada Kapetanović.

Nakon prigodnog programa uslijedilo je upoznavanje učenika sa voditeljima odjeljenja.

Nastava u ovoj školi se odvija u tri smjene, a sve zbog velikog broja odjeljenja za prvaciće.

Ostali razredi raspoređeni su u dvije smjene. Produžni boravak bit će organizovan u vrtiću „An-nur“ i „Ribica“, što će biti olakšica mnogim roditeljima. Svim prvacićima želimo sretno školovanje!



## OŠ „9. maj” Pazarić

U OŠ „9. maj“ iz Pazarića upisano je 40 prvaca (23 djevojčice i 17 dječaka), a u područnoj školi u Lokvama devet (dvije djevojčice i sedam dječaka), kombinovano sa drugim razredima. Prigodan program za male đake – prvake priređen je i u ovoj školi, a posebno prvaciće je pozdravila direktorica OŠ „9. maj“ Azra Jasika, zaželivši im zdravlje, uspjeh i sreću kroz obrazovanje. Priredba je bila vesela i raznovrsna, upriličena baš za male školarce. Članovi hora otpjevali su za mališane pri-

godnu pjesmu, Samra Trešnjo je odrecitovala pjesmicu koju je sama napisala, a muzička sekcija otpjevala je pjesmu „Kad se male ruke slože“. Ritmička sekcija otplesala je Ča ća ća i pokazala prisutnima kako se pleše. Treba reći da su i prvacići učestvovali u samoj priredbi odrecitiravši i otpjevavši nekoliko pjesmica, što je bilo zanimljivo za sve prisutne, naročito roditelje. Kako nam je rekla direktorica Azra Jasika teškoće imaju povodom upisa Romske djece u školu, pošto žive u Kazinoj - bari, a vjeruju da su tu samo privremeno, i postoji bo-



jazan roditelja da ih upišu u školu. Kuriozitet je da dvoje Romske djece koja su povratnici iz Njemačke, govore romski i njemački, dok bosanski jezik uopće ne znaju. Škola želi ojačati stručni kadar i osigurati jednog logopeda u školi, što bi mnogim roditeljima bilo od velike pomoći.

## Upis u Srednjoškolski centar Hadžići

Odlukom Ministarstva obrazovanja Kantona Sarajevo Mješovita škola Hadžići od 01. septembra 2009. godine, nosi naziv Srednjoškolski centar Hadžići. Upis učenika u prvi razred obavljen je u dva upisna roka u mjesecu junu. Prvi upisni rok bio je od 04. 06. 2009. godine do 15. 06. 2009. godine, dok je drugi bio od 23. 06. 2009. godine do 29. 06. 2009. godine. Kandidati za četvrti stepen obrazovanja polagali su prijemne ispite za prvi upisni rok 16. 06. i 17. 06. tekuće godine, a za drugi upisni rok 02. 07. 2009. godine. Ono što je veoma zanimljivo je da je odaziv učenika i za prvi i za drugi rok bio izvanredan. Najveći interes bio je za nova zanimanja, koja su uvedena od ove školske godine, a to su: frizer – vlasuljar (treći stepen), i mašinski tehničar za kompjutersko upravljanje

mašinama (CNC tehničar, četvrti stepen). Samo u prvom upisnom roku ispunjen je plan upisa za gimnaziju, a od stručnih zvanja za: automehaničare, plinske vodoinstalateru, frizere – vlasuljare. Sva preostala mjesta za tehničare



popunjena su u drugom upisnom roku, kao i ona za stručna zvanja. Važno je istaći da su kapaciteti škole u potpunosti opremljeni za izvođenje nastave za nova zanimanja (CNC tehničar), a uz pomoć društvene zajednice koja je pokazala veliki interes, omogućena je praksa van škole za frizere – vlasuljare.

Kako je bio veliki interes učenika za upis u sva zvanja za koja se može obrazovati u ovoj školi, a

pokazali su dobre rezultate na prijemnom ispitu, po nalogu Školskog odbora, direktor škole Misim Gegić tražio je saglasnost od Ministarstva obrazovanja za dodatni broj u nekim školama. Cijeneći obrazloženje zahtjeva Ministarstvo je odobrilo izmjenu plana upisa.


Tako su u gimnaziju upisana 54 učenika, 25 mašinskih tehničara konstruktora na računaru, 26 mašinskih tehničara za kompjutersko upravljanje mašinama, 25 arhitektonskih tehničara, 13 plinskih vodoinstalatera, 14 keramičara, 13 molera – farbara, 25 prodavača i 16 konfekcionara tekstila – krojača.

U toku je upisni rok za vanredne kandidate koji traje od 01. do 30. septembra. 2009. godine. Postoji interes za sva zanimanja, kao i kod redovnih učenika, naročito za nova zvanja (frizer – vlasuljar i CNC tehničar).

Kao i svih proteklih godina tako je i ove godine bio veliki interes za upis upravo u ovu školu.



## Uličnom rasvjetom obasjano 13 novih naselja



Ugovorom o izgradnji javne rasvjete na području općine Hadžići, potpisanim 20. augusta 2009. godine i aneksom ugovora

potpisanim 29. oktobra 2008. godine pristupilo se radovima na izgradnji ulične rasvjete u 13 naselja: Miševići preko puta Gladnog polja, Donji Hadžići, ul. Tinohovska, ul. 5. april, Mokrine, Selimovići, Gornji Zovik, Ljubovčići, Resnik, Japalaci – Čičke, Budomlići, Duranovići i Tuheljska. U šest naselja

izvršeno je proširenje mreže ulične rasvjete i to u: Binježevo – Dobrijevca, ul. Igmanska, ul. Žunovačka, Gradac, Tarčin – Luke i ul. Omladinska. Vrijednost investicije sa uračunatim PDV -om je 448.061,52 KM. Općina Hadžići je učestvovala u finansiranju izgradnje sa 300.000,00 KM, a ostatak od 148.061,52 KM finansiralo je Kantonalno Ministarstvo prostornog uređenja i zaštite okoliša Kantona Sarajevo. Ukupno je ugrađeno 499 novih svjetiljki. Radovi na izgradnji izvršeni su u maju 2009. godine, ali se zbog novih procedura oko uključivanja od strane Elektro distribucije Sarajevo kasnilo sa uključivanjem. Stručni nadzor nad izgradnjom javne rasvjete obavili su stručnjaci Zavoda za izgradnju Kantona Sarajevo.

## Projekti i infrastruktura

Projekat asfaltiranja puta u naselju Miševići - 01.10. 2009. godine zvanično je izvršeno otvorenje puta u naselju Miševići. Pomenuti put sastoji se od osam krakova. Radove na izgradnji ovog puta izvela je firma „BUCOMERC“ D.O.O - Kiseljak. Radove je finansirala općina Hadžići i stanovnici naselja kuda se ovaj put proteže. Ukupna vrijednost izvedenih radova je 227.656,84 KM.

Projekat izgradnje ambulante i MZ Tarčin - U dosadašnjem periodu izvedeni su radovi na sljedećem: iskopi, temeljenje, zidanje prvog i drugog sprata, ravni krov sa izolacijama, gromobranske instalacije na objektu i prodori vode i kanalizacije. Trenutno se izvode radovi na izradi opšava atike, dimnjaka kao i radovi na zidanju kanala za ventilaciju, i izrada kapa za iste. Ugovorena vrijednost radova za objekat je 832.158,00 KM. Rasredstva su u završnoj fazi, novih finansijskih sredstava izvodi firma ZZ „GROS“ Projekat saobraćajnice koji se proteže deno je nasipanje i nabijanje oborinske kanalizacije i nutno su polagane zaštitne se asfaltiranje ove dionice. vodi firma „CET BAH“. Za raspisan je tender za izbor Projekat čišćenja korita ri-



zadovi za koja su obezbjeđena i očekuje se obezbjeđenje za nastavak radova. Radove COMP“ - Hadžići.

RP Centar - Za prvi dio od profila br.P1 - P17 izve-tamponskog sloja, izrada postavljanje ivičnjaka. Tre-cijevi. Nakon ovoga očekuje Radove na ovom dijelu iz-drugi dio ove saobraćajnice najpovoljnijeg izvođača.

zadovi za koja su obezbjeđena i očekuje se obezbjeđenje za nastavak radova. Radove COMP“ - Hadžići. RP Centar - Za prvi dio od profila br.P1 - P17 izve-tamponskog sloja, izrada postavljanje ivičnjaka. Tre-cijevi. Nakon ovoga očekuje Radove na ovom dijelu iz-drugi dio ove saobraćajnice najpovoljnijeg izvođača. jeke Bijele - Na osnovu

zahtjeva mještana „Plac“ koji se susreću sa periodičnim plavljenima u proljeće i jesen usljed izlivanja rijeke Bijele u Tarčinu se vrši produbljivanje korita i uklanjanje nanosa sa odvozom viška materijala. Radovi će trajati vremenski do pet dana, a radove izvodi firma D.O.O. „DEDUKIĆ“.

Projekat izgradnje dijela saobraćajnice Koščan - Selimovići - Ovim projektom obuhvaćena je izgradnja potpornih zidova i asfaltiranje dijela saobraćajnice prema projektu na dijelu dionice gdje su se nalazile serpentine sa kritičnim usponima. Radove izvodi firma „GRAKOP“ D.O.O. - Kiseljak, a radove finansira Kanton Sarajevo - Direkcija za ceste.

Projekat izgradnje spomen obilježja u naselju Donji Hadžići - Radovi na izgradnji spomen obilježja u naselju Donji Hadžići su započeti. Trenutno su izvršeni radovi na iskopima i izradi temelja. Radove izvodi firma SZR“GRAT“ – Hadžići.

## Završeno deminiranje na dijelu lokaliteta Brezovače



Od ukupno očekivane rizične površine od 1.100.000 m<sup>2</sup> na području Brezovače, obrađene kroz 11 projekata BH MAC-a, do sada je deminirano (tehnički izviđeno) oko 205.000 m<sup>2</sup> površine. Kroz projekat deminiranja tekuće godine na dijelu lokaliteta Brezovača, očišćeno je 71.142 m<sup>2</sup> površine. Radove na deminiranju je izvodila UG DEMIRA e.V. Orašje, a Općina Hadžići za ovaj projekat izdvojila je 50.000 KM. Ovaj projekat je realizovan u vremenu od 23. 05. – 28. 09. 2009. godine. Cilj ovog projekta je obezbjeđenje sigurnosne distance oko regionalnog puta Hadžići - Krupac, odnosno bezbjedan prilaz do olimpijskih planina Igmana i Bjelašnice. Područje Brezovače i dalje predstavlja opasnost

od mina i MES-a, te stoga molimo građane da poštuju postavljene znakove upozorenja na tom i drugim ugroženim područjima. Služba civilne zaštite će i dalje raditi na smanjenju ukupne rizične površine od mina na području Općine Hadžići, u saradnji sa humanitarnim organizacijama koje djeluju na prostoru Bosne i Hercegovine.

## Rekonstrukcija vodovodne mreže za naselje: Tarčin, Duranovići Ušivak, dio naselja Musići i Miševići

### Tarčin

Trenutno se vrše radovi na rekonstrukciji dijela distributivne vodovodne mreže naselja Tarčin, i to: daktil cjevovod 150 mm, dužine cca L = 400m PEHD cjevovod 63 mm, ukupne dužine cca L = 625m. Ugovorni organ. je JKP Komunalac d.o.o. Hadžići, Finansijer je Općina Hadžići dok je izvođač radova „Džemotrans“ d.o.o. Hadžići. Ukupna vrijednost investicije iznosi cca 70.000,00 KM.

### Duranovići

Investicija se realizuje prema sporazumu o finansiranju izvođenja radova, između Općine Hadžići i JKP „Komunalac“ d.o.o. Hadžići. Cjevovod će se raditi od PEHD-a 90 mm, dužine cca L = 480m. Izgradnjom navedene vodovodne mreže stvara se mogućnost izvođenja novih 30 priključaka. Ugovorni organ je JKP „Komunalac“ d.o.o. Hadžići, Finasnijer Općina Hadžići, a izvođač radova „Pogled“ g.z.r. Hadžići. Ukupna vrijednost investicije iznosi cca 16.000,00 KM.

### Ušivak i dio naselja Musići

Distributivna mreža se sastoji od daktil cjevovoda 80 mm, dužine cca L = 600m i PEHD cjevovoda, dužine cca L = 800m. Investicija se realizuje prema sporazumu o poslovno - tehničkoj saradnji između Ministarstva privrede KS, Općine Hadžići i JKP „Komunalkac“ d.o.o. Hadžići. Izgradnjom navedene vodovodne mreže stvara se mogućnost izvođenja novih 30 priključaka. Ukupna vrijednost investicije iznosi cca 55.000,00 KM.

### Miševići

Investicija se realizuje prema sporazumu o poslovno - tehničkoj saradnji između Općine Hadžići i JKP „Komunalac“ d.o.o. Hadžići. Sufinansijeri: Općina Hadžići (učesće u materijalu) i JKP „Komunalac“ d.o.o. Hadžići (prespajanje postojeće priključne mreže na novoizgrađenu).

Distributivna mreža se sastoji od daktil cjevovoda 100 mm, dužine L = 820m i PEHD cjevovoda 50 - 63 mm, dužine L = 9.000,00 m, sa sanacijom 225 vodovodnih priključaka. Izgradnjom navedene vodovodne mreže stvara se mogućnost izvođenja novih priključaka. Ukupna vrijednost investicije iznosi cca 340.000,00 KM.



## “Prvoborci Igmana 92” uređivali na Brezovači spomen obilježja

Tokom mjeseca jula bilo je radno i jako živo na platou Brezovača na Igmanu. Naime udruženje boraca “Prvoborci Igmana 92” radilo je na uređenju spomen obilježja šehidima i poginulim borcima kako iz ovog rata tako i iz Drugog svjetskog rata. Ovo udruženje formirano je nedavno, a potreba za formiranjem ukazala se kada se uveliko osjetilo anuliranje zasluga borbe i boraca iz općine Hadžići na planini Igman, koji su već početkom 1992. godine na čelu sa legendarnim Čedomirom

Domuzom, Šehić Nihadom i Mirzom Vatrićem sa područja općine Trnovo zaposjeli planinu Igman. Do mnogo hvaljene i proslavljene 1993. godine na ovoj planini bili su borci sa svih područja općine Hadžići, koji su se međusobno smjenjivali čuvali ovaj možda najznačajniji strateški položaj za Bosnu i Hercegovinu. Na uređenju platoa borcima su pomogle i općinske strukture iz Hadžića, kamenorezačka radnja Kovačević iz Zovika i firma Granit Tef iz Jablanice, kojima se i ovom prilikom toplo zahvaljujemo. Rad ovoga udruženja nastavit će se i dalje uz

nadu da će im se pridružiti svi borci i građani naše općine jer i u ratu smo bili svi zajedno zato i u miru nastavimo zajedno njegovati istinu i čuvati tekovine naše borbe ma koliko se pokušavao umanjiti značaj naših zasluga.



## Dan šehida



koji su se bezrezervno svojim životima založili za sve što danas imamo, i obećali im još jednom da ih nikada nećemo zaboraviti.

Osim rodbine palih šehida, prijatelja i saboraca, prisutne su bile i delegacije Boračkih udruženja općine Hadžića. Drugog dana Ramazanskog bajrama posjećeno je 16 mezarja, i neka je Rahmet Duši svima onima koji poginuše za jedinu nam domovinu Bosnu i Hercegovinu.

Drugi dan Ramazanskog bajrama u Bosni i Hercegovini obilježava se kao Dan šehida i kao i svaki put obilježen je dostojanstveno kako zaslužuju naši šehidi i pali borci.

Centralna manifestacija obilježavanja Dana šehida na području općine Hadžići održana je na šehidskom mezarju Kahrmani u Pazariću. Sa prijateljima, borcima i rodbinom šehida, prisutan je bio i Općinski načelnik Hamdo Ejubović, gdje je kao i na ostalim posjećenim mezarjima proučena Fatiha, Ja'sin i dova šehidima i poginulim borcima. Tog dana sjetili smo se šehida i palih boraca,



## Održana manifestacija Dani otpora i herojstva "Lokve 92 - 95"



Manifestacija povodom odbrane Lokava održana je u subotu 26. 09. 2009. godine. Tokom agresije na Bosnu i Hercegovinu selo Lokve imale su veliki značaj za odbranu opkoljenog Sarajeva, i BiH pošto je u periodu 1992 - 1995. godine put kroz Lokve povezivao glavni grad sa ostatkom Bosne i Hercegovine usljed srpske blokade Sarajeva u tom periodu.

U četvrtak 24. 09. 2009. godine delegacije Općine Hadžići i Udruženje „9 bbr“ posjetili su u sklopu manifestacije Dani otpora i herojstva „Lokve 92 - 95“ porodicu poginulog načelnika štaba 9. brdske brigade Mehmedić Hikmeta - Hikca, dok je

u petak 25. 09. 2009. godine Udruženje „9 bbr“ organizovalo obilazak mjesta pogibije načelnika štaba (Zagoni - Ormanj), gdje se položilo cvijeće i gdje se prisutnima obratio ratni Komandant brigade Kazić Nezir. U Lokvama je izložbu ratnih fotografija otvorio ratni Komandant prvog bataljona Faruk Halvadžija, a izložba je prikazala liniju odbrane Lokava koja ne samo da je značila za mještane ovog kraja, već Sarajeva i cijele Bosne i Hercegovine. Osim velikog broja posjetilaca, izložbi je prisustvovao i Općinski načelnik Hamdo Ejubović. Delegacije općine i Udruženje „9 bbr“ u 10,30 sati položili su cvijeće na mezarje Kahrimani u Pazariću. U povodu obilježavanja odbrane Lokava u organizaciji kluba Derbi, održan je malonogometni turnir, na kome je učestvovalo osam ekipa iz Kantona Sarajevo. Finalna utakmica odigrana je na školskom igralištu u Lokvama, gdje su se sastale ekipe Šampiona sa Ilidže i Derbi iz Pazarića.



Rezultat je glasio na kraju utakmice 2:2 dok je bolja bila u izvođenju penala ekipa Šampiona. Održana



je i revijalna utakmica između veterana UB „9bbr“ i UG „SJB“ Hadžići koja se završila miroljubivo 3:3. Kompletan sadržaj ove manifestacije bio je obogaćen Kulturno - zabavnim programom gdje su nastupili KUD-a: Bjelašnica iz Pazarića Ivan Planina iz Tarčina, zatim učenici područne OŠ Lokve, i polaznici džamijskog hora džemata Lokve.

Ispred domaćina velikom broju posjetilaca ovog događaja obratili su se: Predsjednik MZ Lokve Joldo Fadil, Komandant prvog bataljona Ejub Hujčić, Komandant devete brdske brigade Nezir Kazić, i Općinski načelnik Hamdo Ejubović, koji je istakao značaj heroja Lokava i važnosti puta spasa, kao i da se sve žrtve koje su pale za odbranu Bosne i Hercegovine ne smiju nikada zaboraviti. Na kraju manifestacije Dani otpora „Lokve 92 - 95“ priređen je ručak (vojnički grah) za sve posjetioce, kojeg je pripremio Diško vrsni kuhar prvog bataljona.



## Godišnjica pogibije osam pripadnika MUP - a



U znak sjećanja na osmoricu policajaca: Selim Tufo, Asim Tufo, Amir Agić, Erik Tiro, Edin Hajro, Rusmir Nikšić, Šaban Muhibić i Šemsudin Čilaš iz Hadžića, koji su posljednjeg dana agresije 11. 10. 1995. godine poginuli na Treskavici, u subotu 10. 10. 2009. godine, a u organizaciji Udruženja veterana SJB Hadžići položeno je cvijeće na mezarjima: Budmolići, Trzanj, Vrbanja, Mokrine, Luke, Korča, i gradskom groblju Fojnica. U Tarčinu je 10. oktobra

2009. godine odigran turnir u malom nogometu pod nazivom "Tarčinska jesen". Na turniru su učestvovali ekipe: OŠ "Hilmi ef. Šarić" iz Tarčina, OŠ "Kiseljak II" Zabrđe i Sedme OŠ Ilidža sa Mostarskog raskršća. Tog dana predstavnici policije obišli su mezar Refika Tufe, načelnika policije u ratu, koji je jedan od najzaslužnijih za odbranu teritorije hadžićke općine, te i porodicu Oputa Mumina, nosioca „Zlatne policijske značke“ i „Zlatnog ljiljana“. Na platou Godinjska brda, u općini Trnovo 11. 10. 2009. godine otkriveno je spomen - obilježje osmoricu poginulih policajaca.



## Obilježena 14. godišnjica od pogibije rahmetli Zaima Imamovića



Učenjem Fatihe i polaganjem cvijeća 09. 10. 2009. godine u haremu Ali-pašine džamije u Sarajevu obilježena je 14. godišnjica od pogibije bosanskohercegovačkog heroja, komandanta 14. divizije Prvog korpusa Armije RBiH Zaima Imamovića.

Brojne delegacije, Zaimovi sugrađani, saborci, članovi porodice i prijatelji, danas su položili cvijeće i proučili Fatihu, te na taj način odali počast ovom legendarnom heroju. Pomoćnik Općinskog načelnika za boračka pitanja Izet Koro i predsjednik koordinacionog odbora boračkih udruženja Avdo Bašić, su se u ime Općine Hadžići pridružili ovom skupu, i odali počast Zaimu Imamoviću. Simbol odbrane Goražda Zaim Imamović, patriota, istinski gazija, i heroj oslobodilačkog rata poginuo je 9. oktobra 1995. godine od gelera u svojoj 34. godini života na prvoj borbenoj liniji na lokalitetu Treskavice (Celina). Posthumno je odlikovan najvećim ratnim priznanjem "Zlatni ljiljan".

Učenjem Fatihe i polaganjem cvijeća 09. 10. 2009. godine u haremu Ali-pašine džamije u Sarajevu obilježena je 14. godišnjica od pogibije bosanskohercegovačkog heroja, komandanta 14. divizije Prvog korpusa Armije RBiH Zaima Imamovića.



## Svečano obilježen 17. rođendan 9. brdske brigade



U općini Hadžići 4. i 5. novembra 2009. godine, obilježena 17. godišnjica od osnivanja 9. brdske brigade Armije Republike Bosne i Hercegovine. Udruženje 9. brdske brigade priredilo je zanimljiv program, koji je bio i od historijskog značaja za učenike osnovnih škola na području općine Hadžići. Na dostojanstven način obilježen je rođendan brigade, koja je bila od velikog značaja u vrijeme agresije na Bosnu i Hercegovinu.

U povodu obilježavanja 17. godišnjice od osnivanja 9. brdske brigade, delegacije Općine Hadžići i boračkih udruženja općine Hadžići, kao i brojni građani općine Hadžići obišli su spomen-obilježja šehida i poginulih boraca. Komandant 9. brdske brigade Nezir Kazić, obratio se prigodnim govorom svim prisutnim i naglasio kako mladi ljudi trebaju čuvati od zaborava naše šehide, heroje koji su naš ponos, te se prisjetio hrabrih sinova općine Hadžići. Organizovan je i obilazak šehidskog mezarja Kahrimani, kao i ostalih mezarja na području općine Hadžići. Polaganjem cvijeća i učenjem Fatihe odata je počast šehidima i poginulim borcima 9. brdske brigade, koji su dali ogroman doprinos u obrambeno-oslobodilačkom ratu 1992-1995 godine. Deveta brdska brigada formirana je u jeku najveće ofanzive na slobodne prostore općine Hadžići, dok se njeni borci bili učesnici najvažnijih bitaka za odbranu Hadžića i Bosne i Hercegovine.

U atriju Osnovne škole „6. mart“ Hadžići, 05. novembra 2009. godine održana je Svečana akademija u čast rođendana 9. brdske brigade Armije Republike Bosne i Hercegovine. Svečanoj akademiji prisustvovao je veliki broj nekadašnjih pripadnika 9. brdske brigade, zatim predstavnici izvršne i zakonodavne vlasti Općine Hadžići, kao i brojni gosti, poštovaoci djela koji je ova brigada prošla u danima agresije. Svečanost je počela intoniranjem himne, učenjem Fatihe i minutom šutnje, kako bi se odala počast borcima 9. brdske brigade i svim šehidima općine Hadžići. Ratni komandant 9. brdske brigade Ešref Bajraktarević u svom obraćanju istakao je uspjehe pripadnika 9. brdske brigade, koji su zaslužni za odbranu teritorije općine Hadžići. Na svom ratnom putu ova brigada je dala svoje najhrabrije branitelje,


svoje gazije. Ratni Načelnik štaba Sejad Bečić govorio je o ključnim borbama za odbranu teritorije općine Hadžići, koje je imala ova brigada, o njihovoj požrtvovanosti i zaslugama za odbranu Bosne i Hercegovine. Općinski načelnik Hamdo Ejubović, koji je bio uzoran pripadnik 9. brdske brigade i član njene komande, kazao je kako su upravo oni ti koji su zaslužni za našu slobodu i naš opstanak u najtežim ofanzivnim ratnim vremenima. Na nivou Osnovnih škola, povodom Dana 9. brdske brigade održano je takmičenje u streljaštvu, a ovom prilikom ratni komandant najuspješnijim učenicima u ovoj disciplini uručio je diplome za postignute rezultate. U takmičenju za djevojčice prvo mjesto je ostvarila Ajdina Subašić, drugo Amina Lokvančić, dok je treće mjesto ostvarila Alma Bećirović. U kategoriji za dječake prvo

mjesto postigao je Arnes Bratić, drugoplasirani bio je Vernes Omerović, a treći Muamer Golubić. U zabavnom dijelu programa nastupili su: hor učenika Osnovne škole „Hilmi ef. Šarić“ sa nastavnikom Seadom Handžo, hor „Mladi metalac“, KUD „Mladi metalac“ (Bošnjačke igre iz okoline Sarajeva), te mlada interpretator Edina Subašić. Kroz ovaj program svojim najavama provela nas je Emina – Nina Sejdović. Udruženje 9. brdske brigade zaslužuje sve pohvale, jer baštini tradiciju zasluge i doprinosa u obrambeno – oslobodilačkom ratu 1992/1995. godine.





## Svečano obilježen 25. novembar - Dan državnosti Bosne i Hercegovine



Utorak 24. novembra 2009. godine u sali za sjednice Općine Hadžići održana je Svečana sjednica povodom 25. Novembra – Dana državnosti Bosne i Hercegovine. Sjednica je počela intoniranjem himne BiH, a izvođač je bio Jasmin Begić učenik Srednjosškolskog centra Hadžići. Zamjenik predsjedavajućeg Općinskog vijeća Osman Lihovac otvorio je Svečanu sjednicu, poselamio i pozdravio prisutne vijećnike i goste, a zatim dao riječ predsjedniku Kluba vijećnika g-dinu Aladžuz Vahidu, koji je podnio referat u povodu obilježavanja 25. novembra – Dana državnosti Bosne i Hercegovine. Na

Svečanoj sjednici učenica Srednjosškolskog centra Hadžići Enisa Kurtanović izvela je recital koji je upotpunio Svečanu sjednicu.

U čast obilježavanja 25. novembra Dana državnosti BiH, u organizaciji Udruženja Antifašista NOR-a 1941 - 1945. godine i SDP - a u sali mjesne zajednice Hadžići, održana je svečana Akademija, kojoj je prisustvovao veliki broj građana. O značaju 25. novembra govorio je Mirsad Dupovac, predsjednik SDP - a Hadžići. Skupu se obratio i Fadil Šehić predsjednik antifašista 1941 - 1945. godine. U povodu Dana državnosti BiH i Kurban – bajrama u Hadžićima je održan turnir u streljaštvu. Pored osnovnih i Srednje mješovite škole, učestvovali su mjesne zajednice i radne organizacije. Na istoj Akademiji su podijeljene medalje i pehari najboljim pojedincima i ekipama. Pojedinačno najbolji je Samir Hodžić iz MZ Drozgotetva, drugi Admir Muhić iz MZ Miševići, treći Jasmin Fatić iz MZ Žunovnica. Kod žena prva je bila Amina Lokvančić iz Donjih Hadžića, druga je Belma Omerović iz OŠ „6. mart“ i treća Alma Omerović iz Hadžića. Ekipno je prva MZ Žunovnica, druga MZ Hadžići, a treća OŠ „6. mart“ iz Hadžića.



## Dostojanstveno obilježen Kurban - bajram



Muslimani širom svijeta danas 27.11.2009. godine obilježili su prvi dan Kurban – bajrama, jednog od najvećih muslimanskih blagdana. Proslava Kurban – bajrama počela je u ranim jutarnjim satima klanjanjem Bajram – namaza, nakon čega su vjernici podijelili radost Kurban – bajrama, posjetili najmilije i obišli mezarja. Mnogi vjernici su Bajram obilježili i prinošenjem žrtvenog ovna – kurbana i podjelom mesa na tri djela: jedna trećina porodici, druga trećina prijateljima, i ostatak ugroženim i potrebitim. U cijeloj nam Bosni osjećala se svečarska atmosfera, ljudi su se kao što to običaj nalaže lijepo obukli, i krenuli u posjetu rodbini, prijateljima, i u obilazak mezarjima. Djeci se

više prema narodnom običaju, a manje što vjera nalaže, dijelila nezaobilazna „bajrambanka“. Svim Bošnjacima čestitamo Kurban – bajram sa željom da mubarek dane provedu u zdravlju, sreći i rahat-luku. Bajram Šerif Mubarek Olsun!

## Učenici Srednjoškolskog centra Hadžići podijelili bajramske pakete

Ove školske godine članovi Kluba humanitaraca Srednjoškolskog centra Hadžići udružili su se sa Pokretom „Dosta“, ogranak Hadžići, u još jednoj od humanitarnih akcija. Od prošle 2008/2009. školske godine u Srednjoškolskom centru Hadžići osnovan je Klub humanitaraca sa ciljem podsticanja učenika ka izgradnji onoga najboljeg u čovjeku, dobrim vrijednostima, čistom željom za činjenjem dobrog drugima, te željom da i u ovim teškim vremenima „čovjek čovjeku ne smije biti vuk“. Klub čini desetak aktivnih članova, s tim da članovima redovno postaju novi zainteresovani humani ljudi, učenici ove škole. Ovaj put članovi Kluba prikupljali su novčana sredstva kako bi obezbijedili bajramske pakete

socijalno ugroženim porodicama općine Hadžići. Nakon uspješno okončane akcije, od prikupljenih novaca kupljeni su razni prehrambeni proizvodi, od one najosnovnije namirnice brašna do slatkiša za najmlađe članove porodica, a dodatno su obogaćeni i higijenskim potrepštinama. Grupa humanitaraca sastavljena od članova Kluba i Pokreta, posjetila je 11 odabranih porodica za koje se smatralo da je najpotrebnija pomoć, te im je pomenute pakete i podijelila. Bajramski ručak je zahvaljujući ovim dobrim mladim ljudima, nesumnjivo bio doista bogatiji. Voditeljica ovog Kluba je prof. Selma Aljkanović i rade pod motom „Veliko je zlo ne činiti dobro“ (Jean-Jacques Rousseau).



## Srednjoškolci na radnim mjestima



Treći Socijalni dan obilježen je 09. oktobra 2009. godine – dan kada srednjoškolci nastavu mijenjaju radom u nekoj od firmi. U Hadžićima je Socijalni dan organizovan ispred Srednjoškolskog centra Hadžići, odakle su srednjoškolci s radnim knjižicama – VOLONTIRAJ KREDITIRAJ krenuli na svoja radna mjesta. Učenici su radili u raznim firmama, od Općine, privatne poliklinike pa do fabrike namještaja. Euforija i zadovoljstvo učenika nije se mogla sakriti toga dana, kazala nam je

profesorica Azra Nizić, jer na radnim mjestima su osjetili radnu atmosferu i preuzeli dio odgovornosti. Na taj jedan dan srednjoškolci su bili: trgovci, frizeri, policajci, novinari, glasnogovornici, demineri, načelnici, ministri, šefovi određenih sektora, direktori, radili u pokopnim društvima, na groblju, u tržnicama, i tržnim centrima.

Radili su u klasičnim firmama domaćim i stranim, nevladinim organizacijama, čak i jednoj političkoj stranci, medijima i naravno državnim institucijama. Soocijalni dan je jedna od aktivnosti projekta „Volontiraj - kreditiraj“, čiji je pokretač i vlasnik trademarka udruženje Infohouse iz Sarajeva. Ova akcija se održava u 20 gradova Bosne i Hercegovine, gdje učestvuje oko 1700 srednjoškolaca. Danas svoje dnevnice u Općini Hadžići zaradila su četiri

učenika Srednjoškolskog centra Hadžići.

Ovi učenici su bili raspoređeni u različite Općinske službe, te su imali priliku vidjeti kako izgleda jedan radni dan u ovoj instituciji.

Današnji volonteri su na kraju radnog dana podijelili utiske sa uposlenicima i nisu krili oduševljenje nakon provedenog dana na određenim radnim mjestima. Svi poslodavci će dnevnice učenika uplatiti do početka novembra na račun Socijalni dan iz kojeg će se potom na Sajmu kreditiranja, planiran za 14. novembra 2009. godine u sarajevskom Domu mladih, finansirati najbolji učenički projekti iz svih ovih gradova.

Na taj način će učenici volontirati i kreditirati jedni druge, bez obzira odakle dolazili i kako se zvali, što i jeste smisao projekta VOLONTIRAJ-KREDITIRAJ.



## Općina Hadžići ugostila mališane iz OŠ „6. mart“



Povodom realizacija nastavnih jedinki u školskoj 2009/2010. godini učenici drugog razreda OŠ „6. mart“ iz Hadžića sa učiteljima Sidran Ahmedom zvanim Kade i Ejubović Samirom posjetili su kulturne i javne ustanove u Hadžićima. U ponedjeljak 16. 11. 2009. godine obišli su Općinu u Hadžićima, Policijsku stanicu Hadžići, poštu i Zdravstvenu stanicu. Djeca su bila oduševljena svim onim što su vidjeli, izrazili želju da budu policajci, mašinovođe, kontrolori, doktori i medicinske sestre, a kako nam je kazao učitelj Kade najugodnije im je bilo u Općini, gdje su primljeni veoma toplo i profesionalno od cijelog osoblja Općine. Iako učenici tek drugog razreda, učenici su to osjetili, i prenijeli njihova osjećanja učiteljima. Prilikom obilaska Općine i njenih prostorija jedan učenik je u jednom trenutku kazao: „Učitelju, ja kada porastem bit ću Općinski načelnik“.

## Dani dječije nedjelje u OŠ „6. mart“ u Hadžićima



Dana 02.10.2009. godine održano je niz različitih aktivnosti za učenike Osnovne škole „6. mart“ u Hadžićima. Od prvog do sedmog oktobra tekuće godine traje „Dan dječije nedjelje“, gdje su u sklopu ovog Dana, osoblje i uposlenici ove škole priredili različite aktivnosti za sve učenike od prvog do osmog razreda. Na Sportskom igralištu u Hadžićima bilo je veoma veselo i razigrano, a i vremenski uslovi su bili idealni za mali fudbal, kros, stoni tenis, igru između dvije vatre, te za najmlađe crtanje i zabavu. U sklopu ove manifestacije učenici su se javljali u radio emisiju gdje su recitovali razne pjesmice, a poslije radnog vremena učitelji i učiteljice su otišli na Brezovaču gdje su se lijepo družili. U utorak 06.10.2009. godine odigrana je i revijalna utakmica između učenika OŠ „6. mart“ i njihovih nastavnika. Dječaci su tog dana igrali nogomet, a djevojčice igrale protiv svojih nastavnica košarku. Učenici su u oba susreta prikazali više od igre i bili bolji od nastavnika, pa je pobjeda bila zaslužena. Dječaci su savladali nastavnike rezultatom (4:1), dok su djevojčice visokim rezultatom (15:2) savladale nastavnice. Mjesec oktobar je kada se obilježava Dan učitelja, tako da će i za njih biti upriličeno prigodno druženje na kojem će mnogi razmijeniti i radna iskustva u cilju unapređenja nastave.

## Mlada pjesnikinja Rahmana Kolenda osvojila prvo mjesto u Lazarevcu

Na 21. Međunarodnom Festivalu humora za djecu u Lazarevcu, koji je održan od 15. do 17. septembra 2009. godine, naša mala pjesnikinja Rahmana Kolenda je ponovo obradovala svoje sugrađane. Brilljerala je osvojivši prvo mjesto u kategoriji Humoristička pjesma, te je ovu nagradu dobila za pjesme: „Mamina tetka“, „Čudesa“ i „Zbrka u šumi“. Odlična organizacija, topli prijem domaćina, publike i učesnika festivala oduševio je našu gošću i njenu nastavnicu Fadilu, koja prati njen književni rad. Rahmana Kolenda dobila je sve pohvale od žirija, te je primjećena kao vanredan talenat od strane Slobodana Stanišića. Direktorica Radmila Bulatović nije krila radost i zadovoljstvo što se na ovom takmičenju pojavila talentirana djevojčica iz Okoline Sarajeva i iz Bosne i Hercegovine. Ovu prekrasnu manifestaciju organizira lazarevačka biblioteka „Dimitrije Tucović“. Obuhvata književne, likovne, dramske programe, radionice, karneval, maskenbal... Ideju za ovo druženje i takmičenje djece dali su neumorni lazarevački kulturni uposlenici – radnici biblioteke „Dimitrije Tucović“ sa direktoricom Radmilom Bulatović. U afirmisanju humora za djecu učestvuju učenici, njihovi nastavnici kao i predškolska djeca sa svojim vaspitačima, pedagozi i mnogobrojni afirmisani pisci za djecu.



## Predstavljamo: Mjesnu zajednicu Hadžići



Muamer Durmišević - predsjednik  
Mustafa Sejdović - sekretar MZ  
Edin Šehić - član savjeta MZ  
Senad Huseinbegović - član savjeta MZ  
Vedad Đelilović - član savjeta MZ  
Ahmo Suljić - član savjeta MZ  
Safet Mulagić - član savjeta MZ  
Atif Begić - član savjeta MZ  
Esed Čočić - član savjeta MZ  
Belma Horman - član savjeta MZ  
Sjedište MZ: Ul. Hadželi br. 67, tel: 033/ 421 025

Mjesna zajednica Hadžići egzistira na području općine Hadžići u sastavu sa ostalim Mjesnim zajednicama, zauzima površinu od 484.579 m<sup>2</sup> i broji oko 5.276 stanovnika i cirka 1.739 domaćinstava. Područje Mjesne zajednice Hadžići čini dio područja Općine Hadžići, koji obuhvata naseljena mjesta ili dijelove naseljenih mjesta Hadžići centar, Garovci, Dupovci, Gradac, Kućice, dio ulice Tinohovska, te ulicu XII Hercegovačka.

Na području mjesne zajednice Hadžići nalazi se i Osnovna škola „6. mart“ Hadžići, kao i Srednjoškolski centar, te OŠ koja je u izgradnji. Također ovoj Mjesnoj zajednici pripada KSIRC Hadžići, kao i Multi-medijalna sala koja će biti od velikog značaja za kulturna dešavanja, kao i različite namjene. Nedavno je MZ Hadžići dobila i sportski centar koji se nalazi u sklopu OŠ „6 mart“. Od sportskih klubova na području MZ Hadžići egzistira FK Radnik, KK Bošnjak i RK Željezičar.

Sjedište Mjesne zajednice je u Hadžićima, preko puta Apoteke. U prostorijama Mjesne zajednice građani mogu lično dobiti sve informacije vezano za njihova pitanja.

Administrativne poslove za potrebe Mjesne zajednice obavlja sekretar Mjesne zajednice Hadžići. Ostalu stručnu, tehničku i finansijsku pomoć Mjesnim zajednicama pružaju Stručne službe Općine.

Mjesna zajednica ima pravo i dužnost da:

- Informiše građane o aktivnostima savjeta MZ
- Pokreće inicijativu, daje mišljenje i učestvuje u izgradnji odnosno uređenju komunalne infrastrukture
- Vodi brigu o čistoći, izgledu i uređenju prostora na svom području
- Saraduje sa organizacijama koje se bave vaspitanjem, obrazovanjem, zdravstvenom zaštitom, Centrom za socijalni rad, kao i drugim organizacijama sa područja Mjesne zajednice
- Stvara uslove i preduzima mjere za očuvanje i zaštitu prirodnih i radom stvorenih vrijednosti čovjekove sredine, a posebno ekologije
- Organizuje i preduzima mjere i aktivnosti na ostvarivanju planova civilne zaštite, a naročito u uslovima elementarnih nepogoda u skladu sa važećim propisima.
- Obavlja i druge poslove od interesa za život i rad građana u mjestu stanovanja, u skladu sa pravilima mjesne zajednice.
- Izgradnja i održavanje grobalja
- Inicira sva pitanja od interesa za građane





## Udruženje mladih „Idila“

Udruženje mladih "Idila" Hadžići nastalo je kao rezultat višegodišnjeg druženja omladine, koja je volonterski djelovala s ciljem uključivanja u aktivniji društveni život općine Hadžići.

Ideja za osnivanje udruženja javila se na jednom od druženja, kada je pokrenuta akcija prikupljanja novčane pomoći za socijalno ugroženu staricu, nanu Zibiju sa područja naše općine.

Akcija je podržana od strane općinskih organa i drugih dobrih ljudi, te je izvršena i sanacija kuće te kupljen ogrijev za zimu, namještaj za kuću i hrana.

Tom prilikom javile su se mnoge formalno pravne prepreke pri realizaciji tog i drugih projekata, te se udruženje registrovalo u februaru 2009. godine pod nazivom Udruženje mladih "Idila" Hadžići, kao vanstranačka, neprofitna i nepolitička organizacija.

Udruženje trenutno broji oko stotinjak članova, većinom studenata i učenika.

Programski ciljevi i djelatnosti udruženja su:

- Iniciranje uvezivanja, upoznavanja, educiranja i uključivanja građana u interesne oblasti, a posebno u okviru kulturnih, umjetničkih, društvenih, znanstvenih, sportskih, ekoloških, privrednih, socijalnih i drugih interesnih oblasti
- Ostvarivanje vrhunskih rezultata u sportu, kulturi i nauci
- Drugi ciljevi i zadaci u skladu sa zakonom i statutom

Projekti koji su uspješno realizirani od februara do oktobra 2009. godine te aktivnosti na kojima udruženje trenutno radi su :

- Kontinuirano, aktivno, edukativno, obrazovno druženje omladine svakog petka u večernjim satima, a na kojima su do sada bili gosti iz raznih sfera života, među kojima i pjevač Enes Ukić, hor „Rejjan“, hor „Dah ljubavi“, te mnogi drugi mladi i uspješni ljudi. U okviru druženja obilježavaju se značajni državni i vjerski praznici.

- Povezivanje s drugim omladinskim udruženjima iz zemlje i inostranstva
- Socijalni program za pomoć ugroženim i djeci s posebnim potrebama.

U okviru ove aktivnosti, Udruženje je trenutno, kao stalni projekat preuzelo brigu za periodično skupljanje pomoć u hrani i drugim potrebštinama za nanu Zibiju.

-Organizacija javnih tribina svakog posljednjeg petka u mjesecu, na kojima su učešće uzeli mnoge eminentne ličnosti, među kojima Dr. Neurohirurgije na KCU Koševo-Edin Hajdarpasić, Damir Abdulkerim Mirković, Husein ef. Čajlaković i drugi.

Cilj javnih tribina je edukacija omladine, sticanje novih znanja i iskustava, razvijanje estetskih, moralnih i drugih vrijednosti, razvijanja svijesti, saradnje i razumijevanja, te razmišljanja o problemima današnjice i njihovog rješavanja.

Ocijenjen kao bitan, projekat je i finansijski podržan od strane općinskih organa.

-Organizacija programa fitnesa, koji je do sada uspješno realizovan.

-Organizacija sportskih aktivnost u okviru kojih se održavaju stalni termini za mali nogomet među članovima udruženja, te kontinuirano učešće na malonogometnim turnirima.

- Organizacija izleta u gradove BIH, među kojima se izdvaja izlet za 01.maj, gdje je 120 mladih ljudi posjetilo Stolac, Počitelj i Mostar i tom prilikom upoznali se sa historijskim, kulturnim, prirodnim, vjerskim i drugim bogastvima.

- Kao najznačajniji projekat Udruženja je izgradnja dječijeg parka u općini Hadžići, kojim je udruženje apliciralo na Javni poziv za dodjelu sredstava za finansiranje projekata za mlade iz Budžeta Kantona Sarajevo. Projekat je ocijenjen kao društveno koristan i jedan od najboljih, koji će dugoročno uticati na položaj i zadovoljstvo populacije kojoj je namijenjen.

Projekat je realizovan volonterskim radom članova udruženja uz nesebičnu stručnu pomoć i podršku JKP Komunalca Hadžići.

Udruženje duguje posebnu zahvalnost Općinskom načelniku Hamdi Ejuboviću i općinskim strukturama vlasti na podršci, finansijskoj, moralnoj i svakoj drugoj pomoći.

Izdaje: Općina Hadžići

Uređuje: Redakcijski kolegij

Općina Hadžići, ul. Hadželi br. 114, 71240 Hadžići

Telefon: ++387-33-475-900; Fax: ++387-33-475-952; E-mail: ohadzici@bih.net.ba; web:www.hadzici.ba

